



## Universitätsbibliothek Paderborn

### **Meditationes De Præcipvis Fidei Nostræ Mysteriis**

Vitæ ac Passionis D.N. Iesv Christi; Et B.V. Mariæ; Sanctorumq[ue] et  
Euangeliorum occurrentium Cum Orationis Mentalis circa eadem praxi In  
sex partes tributæ

Quæ Meditationes Complectitur circa omnia Christi Domini Acta, ab eius  
Baptismo ad finem vsque Prædicationis, Doctrinam, Miracula, Parabolas

**Puente, Luis de la**

**Coloniae, 1612**

§. 5. De Vno illo, quod est dispositio & finis contemplatiuæ.

[urn:nbn:de:hbz:466:1-54633](https://nbn-resolving.org/urn:nbn:de:hbz:466:1-54633)

perducere, à vana gloria veluti ex insidijs capti; Indiscretis denique ac ignavis, qui, quæ licere videntur, etiam expedire putant. quorum, ob nimium affectum, mancipia fiunt. Hos Apostolus verbis illis notavit. *d Omnia mihi licent, sed non omnia expediunt; omnia mihi licent; sed ego sub nullius redigar potestate.* Nullius, inquit, fieri mancipium volo, nec quicquam passione, instar serui, ductus agere; sed ratione & puro DEI amore, tanquam liber. Ex his radicibus provenire potest, ut vita *Activa* impediat *Contemplativam*; sed si illæ mortificentur, commodè conuiuet vtraque soror; neutram alteram in præcipuis functionibus suis, designatis temporibus præstandis, impediente.

d. 1. Cor. 6.  
10.

§ Tho. 2. 2.  
q. 102. a. 3.

DE VNO ILLO NECES-  
sario, quod & dispositio & finis  
est vitæ Contemplatiuæ.

§. 5.



ROSE QUENS Christus Dominus Martham instruere, dixit: *Porro vnum est necessarium:* qua sententia fundamentum iecit excusationis & laudationis Mariæ, & in ea ipsius vitæ *Contempla-*

*tivæ*

*tina*, quæ omnia reducet ad VNITATEM; multitudinem & varietate, quod fieri potest, reiectis: quod vnum hisce gradibus obtinetur.

PRIMA enim VNITAS est in vsu rerum temporalium, dum illæ ad vnam, quæ sit necessaria, & quæ ad vitæ sustentationem sufficiat, reducuntur: Et hoc voluit Christus Dominus Marthæ insinuare, quasi dicens: non est cur ita sis sollicita, & circa multa præparanda, ad meam & discipulorum meorum sustentationem, occupata: quia vel vnicum aliquid sufficit, eoque contenti erimus.

HÆC in huiusmodi rerum vsu tam stricta & exacta vnitas multum confert ad cordis quietem, & ipsam Contemplationem: eâ enim varia desideria anxietateque curæ circumciduntur. & ita sancti, Contemplationi dediti, res huiusmodi temporales valde neglexerunt, simplici aliqua re necessaria in victu & vestitu contenti, sicut etiam dixit Apostolus. *Habentes alimta, & quibus tegamur, his contenti simus.* at. Ti. 6. 8.

QUARE si DEO vacare cupio, & Contemplationis suauitatem experiri, reijcenda mihi est rerum multitudo, necessario huic Vni contraria; qui enim paucis temporalibus est contentus, plurima consequetur spiritualia; & qui moderatè ijs vtitur, quæ sunt in

terra, copiosas recipiet cœlestes voluptates.

*Secunda VNITAS* in intensione posita est, quæ actiones omnes ad vnum solum necessariumque finem dirigit, qui est DEI gloria, eius voluntatis executio, nostraque salus; multitudine ac varietate intentionum, & finium, qui huic *Vni* aduersentur, aut ad illud non tendant, sublata: Et ideo Christus Marthæ: *Vnum* tantum dixit esse necessarium, quod Maria, doctrinam ipsius audiens ad animæ suæ sustentationem & eius finem obtinendum cupiebat. Nihil enim mihi prodesse poterit, omnem rerum mundi multitudinem lucrari, hac vna animæ meæ salute, quæ in eo, vt DEO placeam, consistit, amissâ. Ideo magno feruore cum Dauide: *b Vnam petam à Domino & hanc requiram, vt inhabitem in domo Domini omnibus diebus vitæ meæ.* vt per Contemplationem videam præstantiam gloriæ & voluntatis DEI, deliciarumque eius magnitudinem, amando quæ videro, & quæ amauero procurando. Et hac ipsa adhuc magis ad particularia applicando, debeo omnia mea ad *Vnum* illud necessarium reducere, quod Apostolus magis patefecit, cum dixit; *c Vnū corpus, vnus spiritus, vna spes, vna vocatio, vna fides, vnum baptisma, vnus Dominus, vnus mediator, vnus Deus & pater omnium.* Quare detestari ac mortificare oportet quodcunque desiderium & affectum rerum, quæ vnitati mystici corporis Ecclesiæ, & Spiritus, quo illa regitur, & spei salutis meæ ac vocationis, ad quam sum vocatus,

fidei

*b Ps. 26. 4.*

*c Ephef. 4. 4  
c 1. Tim. 2. 5*

fidei, quam profiteor; Baptismatis, quod suscepi; mediatoris Christi Iesu, qui me redemit; ac DEI & Domini, qui me creauit; & patris, qui me adoptauit in filium, & cœli vult hæredem constituere, aduersantur.

*Tertia VNITAS* propriæ vitæ *Contemplatiua* consistit in vsu sensuum & facultatum animæ interiorum, quas omnes ita ad vnitatem reducit, vt soli DEI cognitione, & actuali dilectioni attendant; & hoc voluit Christus Martha insinuare, cum dixit: *Turbaris erga plurima*, ad plurimas effunderis cogitationes, affectus, curas: magis *necessarium illud vnum est*, vt anima tua vna sit, hoc est, vnita & intra seipsam collecta; vna in sensuum affectibus, ad vnitionem cum Spiritu reuocatis, carnis rebellionem mortificata: vna in appetitionibus ad DEI voluntatem reductis, contempta cuiuscunque Creaturæ, quæ huic contraria sit, appetitione: vna in suis curis, ad eam vnã reductis, quæ diuinæ bonitati placere studeat; reliquis omnibus diuinæ ipsius prouidentia remissis: vna in suis cogitationibus, ita ad illum vnum directis, vt eo tempore nihil præter DEVM cogitare velit; sed omnes distractiones ac mentis vagationes, quoad huius vitæ status debilitati possibile erit, collectas retinere: vna denique in amore, quem in vno ac solo infinito bono collocet, quod ipsum dicentem cum Davide: *Quid mihi est in Cælo? & à te quid volui super terram? impleat ac satiet.* d Ps. 72. 25.